

Broj: 02-02-2564/17  
Sarajevo, 22.05.2017. godine

Bosna i Hercegovina  
FEDERACIJA BOSNE I HERCEGOVINE  
-VLADA  
SARAJEVO  
n/r mr.sc. Edita Kalajdžić, sekretar Vlade

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Primljeno:	26-05-2017		
Org. jed.	Broj	Priloga	Vrijednost
05/2	02	190	114

Veza akt Vlade Federacije BiH, broj: 03-05-572-1/2017 od 09.05.2017. godine

-PARLAMENT FEDERACIJE BIH  
DOM NARODA  
SARAJEVO  
Ul. Hamdije Kreševljakovića 3, Sarajevo  
n/r gosp. Izmir Hadžić, sekretar  
n/r gosp. Goran Akšamija, delegat u Domu naroda

Veza Vaš akt: 05/2-02-190/17 od 04.05.2017. godine

**PREDMET: Odgovor na delegatsko pitanje, dostavlja se.-**

Delegat Goran Akšamija pokrenuo je poslaničku inicijativu 21. sjednici Doma naroda Parlamenta Federacije Bosne i Hercegovine održanoj 27.04.2017. godine, koja glasi:

"Zahvaljujem uvažena predsjedavajuća i dopredsjedavajući. Pozdravljam sve prisutne i predstavnike medija. Ja za danas imam jednu Inicijativu upućenu prema Vladi Federacije BiH i Federalnom ministarstvu za pitanja boraca i invalida odbrambeno-oslobodilačkog rata.

Na osnovu člana 10. Poslovnika o radu Doma naroda Parlamenta Federacije BiH, pokrećem Inicijativu za vraćanje u parlamentarnu proceduru Nacrt zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica. Upućen Prijedlog zakona u skraćeni postupak koji je povučen iz procedure dana 10.04.2015. godine od strane premijera Federacije BiH.

Smatrajući ovaj postupak omalovažavajući i diskriminirajućim činom prema dobitnicima ratnih priznanja i odlikovanja zahtjevam da se ova Inicijativa što prije nađe u daljem postupku u protivnom ću iskoristiti svoje delegatsko pravo po članu 155. i članu 172. Poslovnika o radu Doma naroda za upućivanje novog prijedloga zakona nakon isteka potrebnog vremenskog roka.

Obrazloženje:

Sušтина Inicijative za ponovno pokretanje postupka i usvajanje ovog Zakona je u tome da se članovi 2. i 5. dopune slijedećim odlikovanjima: orden za vojne zasluge za zlatnim mačevima i orden za vojne zasluge sa srebrenim mačevima.

Predlagač ovog Zakona iz ne znam kojih razloga je izostavio u članu 2. i 5. pomenuta odlikovanja, a ta odlikovanja su definisana u članu 8. Zakona o odlikovanjima R BiH objavljenog u "Službenom listu R BiH" broj 9/94 i "Službenom listu R BiH" broj 13/94, a ista odlikovanja su i dodijeljena.

Procedura izmjene i dopune ovog Zakona pokrenuta je još 24.06.2013. godine i danas na web stranici Parlamenta Federacije BiH Doma naroda stoji u dijelu materijali u procedure, prijedlozi zakona hitni postupak pod rednim brojem 2 prijedlog ovog zakona i mišljenje Vlade Federacije BiH, a prijedlog zakona kao i druge prijedloge koji nisu razmatrani u parlamentarnoj procedure Vlada je povukla iz procedure u mandatnom period od 2014.-2018. godina.

Također ovaj se Zakon našao u parlamentarnoj proceduri u skraćenom postupku nakon Inicijative tadašnjeg člana Doma naroda, odnosno delegate gospodina Dževada Rađe i isti je povučen. Hvala."

U vezi sa navedenom poslaničkom inicijativom dajemo slijedeći odgovor:

Nacrt zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica je dana 05.01.2017. godine, aktom broj: 05-02-4890/16 upućen Vladi Federacije BiH radi razmatranja i upućivanja u parlamentarnu proceduru. Izmjene navedenog Zakona predlažu se jer postoji obaveza da se provede Presuda Ustavnog suda Federacije BiH broj: U-11/12 od 07.11.2017. godine, kojim je utvrđeno da član 1. Zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica ( „Službene novine Federacije BiH“, broj: 9/10), nije u saglasnosti sa Ustavom Federacije Bosne i Hercegovine.

Dana 13.01.2017. godine na 86. sjednici Vlade Federacije BiH razmatrana je Informacija o pripremi Izmjena zakona o posebnim pravima dobitnika ratnih priznanja i odlikovanja i članova njihovih porodica. Zaključkom V. broj: 52/2017 od 13.01.2017. godine zaduženo je ovo ministarstvo da u roku od 90 dana izvrši dodatnu analizu finansijskih posljedica Nacrta Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

Ovo ministarstvo je aktom broj: 05-02-4890/17 dana 10.05.2017. godine Vladi Federacije BiH dostavilo Nacrt Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica sa analizom finansijskih posljedica po navedenom zaključku.

Vlada Federacije BiH je na svojoj 103. sjednici održanoj dana 19.05.2017. godine utvrdila Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica i uputila ga u parlamentarnu proceduru po skraćenom postupku.

S poštovanjem,

  
**MINISTAR**  
**Doc.dr. Salko Bukvarević**

Dostavljeno:  
1.Naslovu (3X)  
2.a/a